

বাংলাদেশের সর্বকালের অন্যতম সেরা ক্রিকেটার হওয়ার পাশাপাশি মশরাফি নড়াইল-২ আসনের নির্বাচিত সাংসদও। মশরাফি জানিয়েছেন, জ্বর ছাড়া অন্য কোনও উপসর্গ তাঁর নেই। এমনিতে অ্যাজমার সমস্যা থাকলেও শ্বাস কষ্ট অনুভব করছেন না তিনি। দ্রুত আরোগ্যের জন্য তিনি সবাইকে ঈশ্বরের কাছে প্রার্থনা করতে বলেছেন।

ক্রিকেটে সাফল্য তাঁর প্রচুর। বাংলাদেশকে নেতৃত্বও দিয়েছেন মশরাফি। চোটের সঙ্গে লড়াই করে একাধিকবার কামব্যাক করেছেন। এবার তাঁর লড়াই করোনার বিরুদ্ধে। এখনও পর্যন্ত বাংলাদেশের হয়ে ওয়ান ডে-তে সবচেয়ে বেশি উইকেট নেওয়ার রেকর্ড মশরাফিরই দখলে। বাংলাদেশের হয়ে ৩৬টি টেস্ট খেলার পাশাপাশি ২২০টি ওয়ান ডে এবং ৫৪টি আন্তর্জাতিক টি২০ খেলার অভিজ্ঞতা রয়েছে মশরাফির।

গত তিন দিন ধরে জ্বর ও গায়ে ব্যথা ছিল মশরাফির। এ ছাড়া আর কোনও উপসর্গ ছিল না। এখন জ্বর তেমন নেই। আপাতত আইসোলেশনে আছেন নড়াইল-২ আসনের সাংসদ। ঘরেই চিকিৎসা হচ্ছে মশরাফির। ঢাকাতেই পরীক্ষা করা হয়েছে বাংলাদেশের ওয়ানডে-র সফলতম অধিনায়কের।